

**Äntwert vum Finanzminister, Pierre Gramegna, a vun der Kulturministesch, Sam Tanson, op d'parlamentaresch Ufro n°3589 vum 8. Februar 2021 vum honorabelen Deputéierten Fred Keup bezüglech d'Birtrenger Schloss**

D'Akafspolitik vum Staat besteet net doran all Gebai wat offiziell als nationaalt Denkmal klasséiert ass, ze kafen. Villméi gëtt si duerch déi konkret Besoinen vun den ëffentleche Servicer an Administratiounen definéiert.

Donieft sief ze bemierken, datt Gebaier déi ënner Denkmalschutz sti vun enger adequater a gesetzlech gereegelter Protektioun profitéieren, ob se am Besetz vum Staat sinn oder net.

De Staat huet bis haut keen eegene Besoin fir dëst Schloss identifizéiert. D'Kafe vun deem Schloss géing iwweregens nach gréisser Renovatiounsinvestitiounen, an, onofhängeg vu senger Affektatioun, héich Fonctionnementskäschte mat sech bréngen.